

УУЛ УУРХАЙ, ХҮНД ҮЙЛДВЭРИЙН ЯАМНЫ ЭДИЙН ЗАСАГ, НИЙГМИЙН
ХӨГЖЛИЙН ҮЗҮҮЛЭЛТИЙН БИЕЛЭЛТЭНД ХИЙСЭН ХЯНАЛТ
ШИНЖИЛГЭЭ, ҮНЭЛГЭЭНИЙ ТАНИЛЦУУЛГА
/2017 оны жилийн эцэс/

2018 оны 03 дугаар сарын 20-ны өдөр

Хөгжлийн бодлого төлөвлөлтийн тухай хууль, Засгийн газрын 2017 оны 89 дүгээр тогтоолоор баталсан Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам, Яамдын эдийн засаг, нийгмийн хөгжлийн үзүүлэлт батлах тухай Засгийн газрын 2018 оны 55 дугаар тогтоолыг тус тус удирдлага болгон Уул уурхай, хүнд үйлдвэрийн яамны эдийн засаг, нийгмийн хөгжлийн үзүүлэлтийн биелэлтэнд хяналт-шинжилгээ үнэлгээ хийсэн.

Уул уурхай, хүнд үйлдвэрийн сайдын эрхлэх асуудлын хүрээнд геологийн зураглал, голлох эрдэс түүхий эдийн олборлолт, экспорт, газрын тосны бүтээгдэхүүний импорт, металл, шатах ашигт малтмалын үйлдвэрлэлийн 9 ангиллын 21 үзүүлэлтийг Засгийн газрын 2018 оны 55 дугаар тогтоолоор баталсан. Тайлант хугацаанд 8 ангиллын 20 үзүүлэлтийн 10 үзүүлэлт зорилтот түвшнээс өссөн, 7 үзүүлэлт зорилтот түвшнээс буурсан гүйцэтгэлтэй байна.

Монгол Улсын нутаг дэвсгэрийн геологийн 1:50 000-ын масштабын зураглал, ерөнхий эрлийн ажилд хамрагдалт, голлох эрдэс түүхий эдийн зэсийн баяжмал олборлолт, газрын тос, зэсийн баяжмалын экспорт, ОХУ-аас импортолсон газрын тосны бүтээгдэхүүний хэмжээ, дизель түлш, автобензин, мазут, ган бүтээгдэхүүн үйлдвэрлэл тус тус өссөн, газрын тос, төмрийн хүдрийн олборлолт, нүүрс, төмрийн хүдэр, алтны экспортын хэмжээ, бусад улсаас импортолсон газрын тосны бүтээгдэхүүний хэмжээ, катодын зэс үйлдвэрлэл тус тус буурсан.

Монгол улсын хэмжээнд 2017 онд 7,632.6 мянган баррель тос олборлосон нь зорилтот түвшинтэй харьцуулахад 96 хувийн гүйцэтгэлтэй байна. Энэ нь зорилтот түвшинээс 4 хувиар бага байгаа бөгөөд газрын тос олборлолтын төлөвлөгөөний биелэлтэнд дараах хүчин зүйлс нөлөөлсөн. Үүнд:

1. Сүхбаатар аймгийн Эрдэнэцагаан, Дорнод аймгийн Матад сумдад малын гоц халдварт шүлхий өвчин гарсан тул энэ оны 2017.02.21-нээс 2017.03.09-ний өдрийг хүртэл 14 хоног экспортын үйл ажиллагааг зогсоосон.
2. Дорнод аймгийн ИТХ-ын 2017 оны 83 дугаар тогтоол, Засаг даргын А/435 дугаар захирамжаар Тамсаг XXI талбайгаас экспортын тээвэрлэлтийг иргэд болон мал сүргийн эрүүл мэндэд сөргөөр нөлөөлж байна гэж үзэн тээвэрлэлтийн 68 км авто замыг хатуу хучилттай болгох шаардлага тавьж 2017 оны 09 дүгээр сарын 22-ны өдрөөс 29-ний өдрүүдэд 7 хоног экспортын үйл ажиллагааг зогсоосон.
3. Зүүн бүсийн эрчим хүчний хэрэглээ нэмэгдэж байгаатай холбогдон Чойбалсангийн ДЦС-аас Тосон-Уул XIX, Тамсаг XXI талбайнуудад 2017.07.15-наас хязгаарлалт */шаардлагатай 20MВт-аас 15,5MВт-аар/* тогтоосон нь олборлолтыг нэмэгдүүлэх, ордын үйл ажиллагааг эрчимжүүлэх хэрэгцээг бүрэн хангаж чадахгүй байгаа зэрэг болно.

Монгол улсын хэмжээнд газрын тосны бүтээгдэхүүний импортын хэмжээ зорилтот түвшинтэй харьцуулахад давж биелэгдсэн боловч ОХУ-аас бусад

улсаас импортлох бүтээгдэхүүний хэмжээний гүйцэтгэл 86 хувийн биелэлттэй байна. Үүний гол шалтгаан нь БНХАУ болон бусад улсаас худалдан авах газрын тосны бүтээгдэхүүний импортын үнэ өндөр байсантай холбоотой.

Уул уурхай, хүнд үйлдвэрийн яамны эдийн засаг, нийгмийн хөгжлийн үзүүлэлтийн биелэлт 2017 оны жилийн эцсийн байдлаар 97 хувьтай, 4.9 оноогоор дүгнэгдсэн.

Хавсралт:

1. Уул уурхай, хүнд үйлдвэрийн яамны эдийн засаг, нийгмийн хөгжлийн үзүүлэлтийн биелэлт, 2 хуудас,
2. Уул уурхай, хүнд үйлдвэрийн яамны эдийн засаг, нийгмийн хөгжлийн үзүүлэлтийн биелэлт, 2017 оны зорилтот түвшин, гүйцэтгэлийн талаар тайлбар, /ТБГ/, 1 хуудас
Нийт 3 хуудас

УУЛ УУРХАЙ, ХҮНД ҮЙЛДВЭРИЙН ЯАМ

Хянасан:

ХШУДАГ-ын дарга

Ц.Одхүү

Танилцуулга боловсруулсан:

ХШУДАГ-ын ахлах мэргэжилтэн

Н.Баатар /2018.03.21/